



Awe tardi ta sali pa Venezuela señoresnan Ivan Joan Manuel Kelie Jr, y Francisco Pancho Geerman, kende nan a keda selecciona pa realiza un curso ofreci door di Gobierno di Venezuela. Sr. Kelie a haya un beca pa e curso di "Segundo programa Internacional di Production den Radio" cual curso lo ser teni na Caracas y cu lo cuminsa dia 16 di Mei venidero. E duracion di e curso lo ta 3 siman. Sr. Geerman a haya un beca pa e curso di "Administracion den Centros Cultural" cual curso a cuminsa dia 11 di Mei cual duracion lo ta 3 luna. Ayera mainta e dos becadonan a ricibi nan apsashi for di Consul General di Venezuela aki na Aruba, señor Jose de Jesus Cordero Ceballos.